



COMUNE DE PÀDRIA

(Provintzia de Tàtari)

Pratza de su Comune – Pàdria – Tel. 079807018 PEC:
protocollo@pec.comune.padria.ss.it

AVISU PÙBLICU

PRO SA CUMPARTETZIPATZIONE A S'AMMANIADURA DE SAS MANIFESTATZIONES INSERTADAS IN SU PROGRAMMA UNITÀRIU DE SU TURISMU 2026 DE S'UNIONE DE SOS COMUNES DE SU BIDDANOIA

Su Responsàbile de su Servìtziu Finanziàriu e de s'Àrea Sòtziu – Culturale

In acumprida de sa deliberatzione n. 10 de s'11/03/2026 de sa Giunta Comunale de Pàdria e de sa deliberatzione de sa Giunta de s'Unione de sos Comunes de su Biddanoia n. 11 de su 09/04/2026, cun sa cale est istadu aprovalu su programma unitàriu de promotzione turistica pro s'annu 2026 cun sas finalidades chi sighint:

- Promòvere atividades e eventos de interessu pùblicu e ùtiles, chi apant comente punna cussa de arricchire, in generale, s'àmbitu culturale, traditzionale, educativu, formativu, ambientale, sotziale, isportivu e turisticu de su territòriu;
- valorizare sa cundizione de sos giòvanos;
- prevènnere su fenòmenu de sa minimadura de sa populatzione in sos tzentros minores;
- contribuire a megiorare su livellu de sa vida comunitària e de sas diferentes articulatziones suas a favore de sas diferentes fàscias de edade;
- aumentare su prestìgiu e sa màgine de su territòriu de s'Unione in s'interessu de totus,

Faghet ischire chi

S'Amministrazione Comunale cheret interessare sos assòtzios chi òperant in su territòriu comunale e lacanàrgiu, in sas làcanas in sas cales est de interessu a custa Amministrazione, pro collaborare in

sa realizatzione de su programma de sas manifestatziones de s'Unione de sos Comunes de su Biddanoa, chi incluet una sèrie de iniciativas sotziales, culturales, de ispetàculu e ligadas a sas funtziones de sa costumàntzia.

Su programma postu in calendàriu dae s'Unione de sos Comunes de su Biddanoa, de s'acumprire in su territòriu de su Comune de Pàdria, at a dèvere èssere realizadu pro mèdiu de s'interessamentu de entes e Assòtzios, sena punnas de bi balangiare, chi ant a èssere disponìbiles, in relata a sos temas diferentes prevididos, acumprunde formas idòneas de collaboratzione e de cooperatzione de pare a pare cun su Comune.

Custu avisu est de cunsiderare comente protzedimentu de evidèntzia pùblica, pro remonire sas rechestas dae parte de suetos interessados, in su respetu de sos printzìpios de no ischirriare, de tratamentu che pare, proporzionalidade, trasparèntzia e publitzidade.

ART. 1 – OGETU

Sas manifestatziones de custu avisu sunt cussas aprovadas dae s'Unione de su Biddanoa e dae sa Giunta Comunale de Pàdria, cun deliberatzione pròpia n. 10 de su 11/03/2026 e inoghe sighidas a giùghere. Pro onni manifestatzione est indicada sa tzifra màssima de su contributu chi si podet dare a titulu de cooperatzione tra prus suetos.

Àmbitu	Titulu	Descrizione	Importu presùmidu €
Cultura	<i>Cuntzertu de Nadale</i>	In occasione de su Santu Nadale, diferentes grupos chi cantant ant a èssere cumbidados, dende·lis unu contributu, pro fàghere unu Cuntzertu de Nadale.	3.500,00
Costumàntzias	<i>Serada ballos e cantos de sa costumàntzia sarda dedicata a sos emigrados de</i>	Erogatzione de unu contributu a sos assòtzios locales chi ant a organizzare una o piusu seradas de ballos e cantos de sa costumàntzia.	4.000,00

	<i>Pàdria</i>		
Isport	<i>Die de s'Isport</i>	Organizatzione de una die de isport diferentes cun operadores de su setore cualificados.	2.000,00
Cultura	<i>Die de s'Ischièntzia</i>	Organizatzione de una Die de s'Ischièntzia	1.000,00
Cultura e turismu religiosu	<i>Sa Chida Santa</i>	In occasione de sa Pasca Santa. Ant a èssere organizadas seradas de coros chi cantant a tema religiosu	1.000,00
Cultura e turismu religiose	<i>Tzelebratzione de sa Festa de Santa Zulia</i>	Erogatzione de unu contributu pro sa realizatzione de eventos de promotzione turistica chi acostàgient sa Tzelebratzione in onore de Santa Zulia	3.500,00
Cultura e turismu religiosu	<i>Tzelebratzione de Sant'Antoni</i>	Erogatzione de unu contributu pro sa realizatzione de eventos de promotzione	3.500,00

			turistica chi acostàgient sa Tzelebratzione in onore de Sant' Antoni	
	TOTALE			€ 18.500,00

ART. 2 – RECHISIDOS DE PARTETZIPATZIONE

Est prevididu s'interessamentu de una o prus assòtzios culturales iscritos a manera regulare a s'Albu de sos organismos assotziados de s'Unione de sos Comunes de su Biddanoa.

Sos sugetos beneficiarijos de su contributu divent àere, pro no èssere escludidos, sos rechisidos chi s'ghint:

- èssere iscritos a manera regulare a s'albu de sos organismos de assòtziu de s'Unione de sos Comunes de su Biddanoa;
- acumprire, pro istatutu, atividades sena bi balangiare, cun sa punna printzipale de sa promotzione culturale e isportiva e pro satisfàghere sas esigèntzias de istare paris;
- de no èssere in peruna de sas cunditziones de esclusione dae sa partetzipatzione a sas protzeduras de seletzione de sas cales a s'art. 94 de su DLgs n. 36/2023 e s.c Còdighe de sos Apaltos; • dispònner de sa capatzidade a cuntratate cun s'Amministrazione Pùblica.

ART. 3 – FORMULATZIONE DE SAS PROPOSTAS

Sas propostas ant a dèvere pertocare a manera printzipale sas categòrias chi s'ghint de atziones insertadas in su Programma: 1. ISPORT;2. COSTUMÀNTZIAS;3. CULTURA;

ART. 4 – TÈRMINES E MODALIDADES DE PRESENTATZIONE DE SAS PROPOSTAS

Sos assòtzios interessados ant a pòdere presentare a s'Ufitziu Protocolu sas propostas intro de sas oras 13:00 de sa die **13 DE MAJU DE SU 2026.**

Sos assòtzios interessados ant a dèvere fàghere **arrivare** a Comune de Pàdria sa manifestatzione de interessu pròpia cun sos mèdios chi s'ghint:

- cunsigna a manu a s'Ufitziu protocollu, Pratzza de su Comune n. 1;
- posta eletrònica tzertificada a s'indirizzu protocollo@pec.comune.padria.ss.it;-

racumanda cun retzida.

Sa dimanda sutascrita comente si devet dae su Presidente o Legale Rapresentante de s'Ente chi avantzat sa proposta, at a dèvere èssere ammaniada cunforma a sa modulistica adotada in sos ufizios cumpetentes e torrare a giùghere, pro no èssere esclusos:

1. curriculum de s'ente/assòtziu;
2. progetu: descrizione a sa minuda de sas atividades de realizzare, cun sa previsione relativa de s'ispesa;

1. documentu de identidade de su rapresentante legale,

Su Comune non si leat peruna responsabilidade chi derivet dae discumbènios de sa Posta, o de cale si siat àtera genia chi diant pòdere impedumare sa cunsinna de sa dimanda intro de su tèrmine iscritu in antis.

Sas dimandas presentadas in su perìodu in antis de sa publicatzione de custu avisu no ant a pòdere èssere atzetadas o leadas in cunsideru. Sas dimandas presentadas pustis de sa data de iscadèntzia no ant a pòdere èssere leadas in cunsideru.

Onni ente/assòtziu, cun riferimentu a custu avisu, at a pòdere presentare a su màssimu duas rechestas de contributu.

ART. 5 – CRITÈRIOS DE ASSEGNATZIONE DE SU CONTRIBUTU

Sos contributos ant a èssere assignados cunforma a sos critèrios chi sighint, de dare solu in base a sa documentatzione presentada:

n.	CRITÈRIOS DE VALUTATZIONE	PUNTOS
1	Livellu de atinèntzia de su curriculum presentadu respetu a s'eventu de realizzare: <ul style="list-style-type: none"> • peruna atinèntzia • paga atinèntzia 	

	<ul style="list-style-type: none"> • bona atinèntzia • totale atinèntzia 	<p>0 puntos</p> <p>2 puntos</p> <p>5 puntos</p> <p>10 puntos</p>
2	<p>Nùmeru eventos organizados in sos ùrtimos chimbe annos cun riferimentu a sas castas chi sighint:</p> <ul style="list-style-type: none"> • manifestatziones turísticas e/o de ispetàculu: • àteros eventos de caràtere culturale o isportivu de durada superiore a sas bator oras cun interessamentu de a su mancus 50 pessones; • 	<ul style="list-style-type: none"> • n. 2 puntos pro onni eventu de a su mancus duas oras de intratenimentu (màssimu 10 puntos) • n. 2 puntos pro onni manifestatzione isportiva o culturale realizzata (màssimu 10 puntos)
3	<p>Gradu de cumpartetzipatzione a sas ispesas (s'at a leare a cunsideru su Pianu finanziàriu de ispesa)</p>	<p>10 puntos onni milli èuros de cumpartetzipatzione in agiunta</p>

ART. 6 – LOGU IN UE S’ANT A FÀGHERE SOS EVENTOS

Totu sas propostas de sas cales a custu Avisu s’ant a dèvere fàghere in su Comune de Pàdria o in sos Comunes lacanàrgios s’est de interessu pro su Comune de Pàdria matessi.

ART. 7 – PUBLITZIZATZIONE DE SAS ATIVIDADES FINANTZIADAS

Sos beneficiàrios ant s’òbligu de impitare su contributu solu pro sas atividades e iniziative pro sas cales est istadu cuntzessu.

Sos beneficiàrios ant s’òbligu de publitizare sa cuntzessione de su contributu dae parte de su Comune de riferimentu, de s’Unione de sos Comunes de su Biddanoa e de dàbiles àteros sugetos finantziadores, insertende totu su materiale publitziàriu relativu a sas iniziative, s’istemma de su Comune de riferimentu e de s’Unione de sos Comunes de su Biddanoa.

ART. 8 – RENDICONTATZIONE

Sas ispesas chi si podent ammittere e finantziare ant a èssere totu cussas ligadas a manera dereta a sa realizazione de sos interbentos. No ant a èssere ammissas ispesas pro comporare benes chi durant in su tempus. Si podent ammittere imbetze, a titulu de esèmpiu, ispesas pro ispetàculos, indanimare, gastos de SIAE, etz. documentadas comente si devet.

Sas ispesas pro sas fruniduras cun froes e de accollida (cumbidu) no ant a pòdere èssere prus de su 15% de su contributu cuntzessu.

Sos contributos ant a èssere dados cun determinazione apòsita de su Responsàbile de s’Àrea sòtziu – Culturale in unu primu **acontu** non superiore a sa summa de su **70%** de s’importu assignadu, fata chi nde siat in antis rechesta. Onni Assòtziu/ente, pro otènnere s’erogazione de su saldu finale at a dèvere presentare rendicontu apòsitu de sas summas assignadas cunforma a s’**Allegadu “A1”**.

Su rendicontu finale at a dèvere semper e cando èssere presentadu intro de 90 dies dae sa congruida de sa manifestazione.

ART. 9 – RESPONSABILIDADE

S’Amministrazione non si leat peruna responsabilidade in mèritu a s’organizzazione e a sa realizazione de sas atividades e iniziative a sas cales dat su sustennu pròpiu, incluida puru sa responsabilidade pro dàbiles coberturas assicurativas, S’acumprida de sos òbligos de lege in

matèria fiscale, assistenziale e de collocamentu est solu de s'organizatzione beneficiària de s'interbentu.

ART. 10 – DISPOSIZIONES FINALES

Pro cantu no est disciplinadu dae custu avisu, s'aplicant sas dispositziones de su “Regulamentu pro s'istitutzione de s'albu e sa cuntzessione de contributos a organismos de assòtziu” aprovalu cun Deliberatzione de s'Assemblea de s'Unione n. 9 de su 12.04.2019.

Custu avisu pùblicu, paris cun sa modulistica pro sa presentatzione de sa dimanda e pro sa rendicontatzione, est publicada in su giassu web istituzionale de su Comune de Pàdria www.comune.padria.ss.it.

Su Responsàbile de su Servìtziu

Dut.ra Mariangela Arca



MARIANGELA ARCA 24.04.2026 09:07:58 GMT+02:00

Allegadu a sa determinatzione n. 84 de su 22/04/2026